



J.P. MEĐUNARODNI AERODROM "SARAJEVO" D.O.O.

Kurta Schorka 36, 71210 Sarajevo, Bosna i Hercegovina

Registrovano kod. Općinski sud Sarajevo, MBS 65-01-0419-11; JIB 4200068970001; Carinski broj 200068970001
RAČUN: 3367302205238447, UniCredit banka d.d. Mostar, BH

Vrsta dok.	Izdavač	RB
DOP	2 01	5342

Strana:
1 od 1

Broj protokola:

02-1-04-7-6717-47/19

DATUM: 13.03.2020

PRIMALAC: ENERGOINVEST - SUE d.d. Sarajevo
NEXIS d.o.o. Sarajevo
ALBAT d.o.o. Sarajevo
Grupa ponuđača: ELCOM d.o.o. Tuzla (predstavnik grupe) i BENPROM d.o.o. Gračanica (član grupe)
NEXEN d.o.o. Banja Luka.

PREDMET: Obavijest: Nabavka robe - Trakcione baterije za vozila na električni pogon

VEZA:

Poštovani,

Na osnovu člana 71. Zakona o javnim nabavkama ("Službeni glasnik BiH", broj 39/14), obavještavamo vas da je, nakon okončane procedure prikupljanja ponuda za nabavku robe - Trakcione baterije za vozila na električni pogon, provedene metodom Konkurentski zahtjev, na prijedlog Komisije za provođenje postupka nabavke, Odlukom Uprave J.P. Međunarodni aerodrom "SARAJEVO" d.o.o. Sarajevo koja vam se dostavlja u prilogu, kao najpovoljnija ponuda, ocijenjena ponuda ponuđača ENERGOINVEST - SUE d.d. Sarajevo.

S poštovanjem,

DOSTAVLJENO:

1. Ponuđačima
2. Upravi Društva
3. Sektoru komercijale
4. Sektoru za PKO poslove
5. Sektoru finansija
6. a/a

DIREKTOR

Armin Kajmaković

DOP LP 01-3 01 01 Dopl. 2 listarga/Rev 3



	Tel	Fax	Email
INFORMACIJE	+387 33 289 100	+387 33 289 356	info@sarajevo-airport.ba
DIREKTOR	+387 33 289 200	+387 33 289 201	director@sarajevo-airport.ba
OPERATIVNI CENTAR	+387 33 289 120	+387 33 766 641	ops@sarajevo-airport.ba
FINANSIJE	+387 33 289 162	+387 33 289 234	
KOMERCIJALA	+387 33 289 177	+387 33 289 154	cominfo@sarajevo-airport.ba
WEB	www.sarajevo-airport.ba		



UPRAVA DRUŠTVA	Strana: 1 od 3
Broj protokola: 02-1-04-7-6717-46/19	JAVNO

Datum: 13.03.2020. god.

Na osnovu člana 70. Zakona o javnim nabavkama („Službeni glasnik BiH“, broj 39/14), a u vezi sa članom 21. stav (1) tačka 1) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo i člana 48. Statuta J.P. Međunarodni aerodrom "SARAJEVO" d.o.o. Sarajevo, te Izvještaja i preporuke komisije za provođenje postupka javne nabavke robe: Trakcione baterije za vozila na električni pogon, imenovane Rješenjem broj: 02-1-04-7-6717-31/19 od 06.02.2020. god., Uprava J.P. Međunarodni aerodrom "SARAJEVO" d.o.o. Sarajevo na 132. sjednici održanoj dana 13.03.2020. god., donosi

ODLUKU

I

Kao najpovoljnija ponuda za nabavku robe: Trakcione baterije za vozila na električni pogon, ocjenjuje se ponuda ponuđača ENERGOINVEST – SUE d.d. Sarajevo, zavedena na protokol Naručioca pod brojem: 06-1-04-7-6717-23/19 od 30.12.2019. god., koji je nakon provedene e – aukcije održane dana 26.02.2020. god., ponudio najnižu cijenu za navedenu nabavku u iznosu od: 24.750,00 KM, bez PDV-a.

II

Po proteku rokova za reviziju Naručilac će pozvati izabranog ponuđača radi zaključivanja ugovora o nabavci robe iz tačke I ove Odluke, kojim će se regulisati međusobna prava i obaveze ugovornih strana.

III

Izabrani ponuđač je, u roku od 7 (sedam) radnih dana od dana prijema Obavijesti i Odluke o izboru najpovoljnijeg ponuđača, dužan dostaviti Naručiocu, originale ili ovjerene kopije dokumentacije iz člana 45. Zakona o javnim nabavkama, u skladu sa dostavljenom Izjavom, ne starije od 90 dana od dana dostavljanja ponude i novi Obrazac za cijenu ponude nakon provedene e- aukcije održane dana 26.02.2020. god.

Obrazloženje

Postupajući u skladu sa članom 18. Zakona o javnim nabavkama, a u cilju izbora najpovoljnije ponude za nabavku robe: Trakcione baterije za vozila na električni pogon, direktor J.P. Međunarodni aerodrom "SARAJEVO" d.o.o. Sarajevo donio je Odluku o pokretanju postupka nabavke, broj: 02-1-04-7-6717-3/19 od 18.10.2019. god., a Rješenjem broj: 02-1-04-7-6717-31/19 od 06.02.2020. god., imenovao Komisiju za provođenje postupka.

U skladu sa naprijed navedenom Odlukom, Naručilac je objavio obavještenje o nabavci na portalu javnih nabavki, broj obavještenja: 246-7-1-964-3-147/19 od 17.12.2019. god. Do ostavljenog roka za predaju ponuda, 10.02.2020. god., do 12,00 sati, na adresu Naručioca, ponude je dostavilo 5 (pet) ponuđača, i to: ENERGOINVEST - SUE d.d. Sarajevo, NEXIS d.o.o. Sarajevo, ALBAT d.o.o. Sarajevo, Grupa ponuđača: ELCOM d.o.o. Tuzla (predstavnik grupe) i BENPROM d.o.o. Gračanica (član grupe) i NEXEN d.o.o. Banja Luka.

Na javnom otvaranju ponuda, koje je održano isti dan u 12,30 sati, bez prisustvo predstavnika ponuđača pročitani su nazivi ponuđača i ponuđene cijene.

Nakon javnog otvaranja ponuda, Komisija se sastala radi njihove detaljne analize i konstatovala slijedeće:

-Ponuda ponuđača ENERGOINVEST SUE d.d. Sarajevo je dostavljena u skladu sa zahtjevima Tenderske dokumentacije i ocijenjena formalno-pravno, tehnički i računski ispravnom i prihvatljivom za Naručioca.

-Pregledom ponude ponuđača NEXIS d.o.o. Sarajevo je konstatovano da je ponuđač dostavio Izjavu dobavljača traženu u skladu sa tačkom 5. Tenderskom dokumentacijom, Garantni period na ponuđenu robu je 24 mjeseca (ne može biti manji od 24 mjeseca), uz propisano održavanje i normalne uslove eksploatacije, što je potvrdio u Nacrtu ugovora u članu 6, i dao garanciju u trajanju od 24 mjeseca. Također je konstatovano da je ponuđač u ponudi na strani 11. naveo pod stavkom Garancija: 12 mjeseci od isporuke robe.

Vrsta dok.	Izdavač
ODL	01-3
Strana: 2 od 3	
JAVNO	

Imajući u vidu naprijed navedeno, od ponuđača je zahtjevano da pismenim putem potvrdi koji je od ova dva roka ispravan, što je ponuđač i učinio potvrdivši da je ponudani garantni rok 24 mjeseca, kako je to zahtijevano tačkom Tenderskom dokumentacijom.

Daljim pregledom ponude je konstatovano da ponuđač nije u potpunosti popunio Aneks II Tenderske dokumentacije, tačnije kolonu 3. Obrasca za cijenu ponude, koja se odnosi na zemlju porijekla robe, što je izričito zahtijevano tačkom 2.1, pod d) i Aneks-om II Tenderske dokumentacije.

Imajući u vidu naprijed navedeni nedostatak, koji se odnosi na nepopunjavanje zemlju porijekla u Obrascu za cijenu ponude, Komisija je predmetnu ponudu ocijenila formalno-pravno neispravnom i neprihvatljivom za Naručioca.

- Ponuda ponuđača ALBAT d.o.o. Sarajevo je dostavljena u skladu sa zahtjevima Tenderske dokumentacije i ocijenjena formalno-pravno, tehnički i računski ispravnom i prihvatljivom za Naručioca.

-Pregledom ponude Grupe ponuđača: ELCOM d.o.o. Tuzla (predstavnik grupe) i BENPROM d.o.o. Gračanica (član grupe) je konstatovano da je ponuđač, tačnije član grupe BENPROM, pokušao pribaviti potvrde o dobro izvršenim ugovorim od strane firme CARLLATO d.o.o. Nova Bila, međutim potvrde nije uspio dobiti na vrijeme, prije roka za dostavljanje ponude/potvrda. Od firme CARLLATO d.o.o. Nova Bila je zatražena pismena potvrda da li je član grupe BENPROM d.o.o. Gračanica uspješno izvršio ugovore za koje tvrdi da jeste, što je firma CARLLATO d.o.o. Nova Bila potvrdila.

Imajući u vidu naprijed navedeno, komisija je ovu ponudu ocijenila formalno-pravno, tehnički i računski ispravnom i prihvatljivom za Naručioca.

-Pregledom ponude NEXEN d.o.o. Banja Luka je konstatovano da je ponuđač dostavio potvrde o dobro izvršenim poslovima za robe koje nisu predmet nabavke. Naime, potvrdu na str. 20 ponude je izdao UNIS TELEKOMUNIKACIJE d.d. i odnosi se na akumulatorsku bateriju 6V 200Ah AGM koja spada u stacionarne baterije, ne trakcione, koje se koriste za alarmne sisteme, telekomunikacione sisteme itd. Dakle, ne za pokretanje mehanizacije i opreme na električni pogon.

Takođe, za potvrdu na strani 21. koju je izdala Istraživačko razvojnog centra elektroenergetike - IRCE je zatraženo pojašnjenje o kojoj bateriji je riječ, s obzirom da model nije naveden. IRCE je potvrdio da je riječ o bateriji 6OpzV 420, 2V, 453Ah, što je stacionarna baterija, i što ne odgovara predmetu nabavke.

Imajući u vidu naprijed navedeno konstatovano je da ponuđač nije dostavio potvrde o dobro izvršenim poslovima u skladu sa zahtjevima Tenderske dokumentacije.

S obzirom na naprijed navedeno, Komisija je ovu ponudu ocijenila formalno-pravno neispravnom i neprihvatljivom za Naručioca.

Nakon pregleda dostavljenih ponuda, Komisija je sačinila Spisak prihvatljivih ponuda, uzimajući u obzir činjenicu da je Odlukom o pokretanju postupka predmetne nabavke utvrđen kriterij za izbor najpovoljnije ponude, najniža cijena prihvatljive ponude, prema dostavljenim cijenama iz ponuda, koji glasi:

Rang-lista prihvatljivih ponuda prije e-aukcije:

1. ENERGOINVEST - SUE d.d. Sarajevo, vrijednost ponude 30.000,00 KM, bez PDV-a.
2. ALBAT d.o.o. Sarajevo, vrijednost ponude 30.000,00 KM, bez PDV-a.
3. Grupa ponuđača: ELCOM d.o.o. Tuzla (predstavnik grupe) i BENPROM d.o.o. Gračanica (član grupe), vrijednost ponude 30.000,00 KM, bez PDV-a.

Spisak neprihvatljivih ponuda:

1. NEXIS d.o.o. Sarajevo
2. NEXEN d.o.o. Banja Luka

Za ovaj postupak nabavke bila je predviđena e-aukcija i to za kriterij cijene, koja je zakazana i održana dana 26.02.2020. godine u 13,30 sati i glasi:

Ponuđač ENERGOINVEST SUE d.o.o. Sarajevo je spustio cijenu sa 30.000,00 KM na 24.750,00 KM.

Ponuđač ALBAT d.o.o. Sarajevo je spustio cijenu sa 30.000,00 KM na 24.800,00 KM.

Vrsta dok.	Izdavač
ODL	01-3
Strana: 3 od 3	
JAVNO	

Ponuđač Grupa ponuđača: ELCOM d.o.o. Tuzla (predstavnik grupe) i BENPROM d.o.o. Gračanica (član grupe) je spustio cijenu sa 30.000,00 KM na 25.100,00 KM.


S obzirom na naprijed navedeno, Komisija je utvrdila da je najpovoljnija ponuda za nabavku predmetne robe ponuda ponuđača ENERGOINVEST – SUE d.d. Sarajevo, uz ponuđenu cijenu navedenu u dispozitivu ove Odluke, pa je predložila Upravi J.P. Međunarodni aerodrom "SARAJEVO" d.o.o. Sarajevo, da se ugovor dodjeli ovom ponuđaču.

Uprava J.P. Međunarodni aerodrom "SARAJEVO" d.o.o. Sarajevo razmotrila je dostavljenu preporuku Komisije, te je, nakon uvida u cjelokupno provedeni postupak, istu prihvatila na 132. sjednici održanoj dana 13.03.2020. god., i na osnovu člana 64., a u vezi sa članom 89. stav (3) Zakona o javnim nabavkama, te članom 21. stav (2) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo, donijela Odluku kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa, J.P. Međunarodni aerodrom "SARAJEVO" d.o.o. Sarajevo, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 5 (pet) dana od dana prijema Odluke.

Prilog: Zapisnik o pregledu i ocjeni ponuda i Izvještaj o toku i završetku e – aukcije.

DIREKTOR
Armin Kajmaković



DOSTAVLJENO:

1. Ponuđačima
2. Upravi Društva
3. Sektoru komercijale
4. Sektoru finansija
5. Sektoru za PKO poslove
6. a/a